



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE**

Broj: 01-_____/15
Datum: ____ 2015. godine

Na osnovu člana 13. Zakona o principima lokalne samouprave u FBiH ("Službene novine FBiH" broj 49/06 i 51/09) i člana 14. Statuta Općine Tešanj ("Službeni glasnik Općine Tešanj" broj 11/07) Općinsko vijeće Tešanj, na svojoj ____ sjednici održanoj dana ____ 2015. godine, donosi

**ODLUKU
o saradnji Općine Tešanj i Općine Šoštanj (Slovenija)**

Član 1.

Odluka o saradnji Općine Tešanj i Općine Šoštanj (Slovenija) se donosi u cilju nastavka razvoja prijateljskih veza na temelju obostranog razumijevanja, te uspostavljanje različitih oblika saradnje, razmjeni ideja i realizaciji projekata od zajedničkih interesa u oblasti obrazovanja, privrede, kulture, turizma, sporta, zaštite prirodnog i kulturnog naslijeđa i drugog

Član 2.

Općinsko vijeće Tešanj odobrava podržava nastavak saradnje između Općine Tešanj i Općine Šoštanj iz Slovenije, te ovlašćuje Općinskog načelnika Općine Tešanj da precizira i potpiše Sporazum o saradnji Općine Tešanj i Općine Šoštanj.

Član 3.

Ova Odluka stupa na snagu narednog dana od dana objavljivanja u "Službenom glasniku Općine Tešanj".

**PREDSJEDAVAJUĆI OV
Senad N. Subašić dipl. ekonomista**

OBRAZLOŽENJE

PRAVNI OSNOV

- član 13. Zakona o principima lokalne samouprave u FBiH (“Službene novine FBiH” broj 49/06 i 51/09) i
- član 14. Statuta Općine Tešanj (“Službeni glasnik Općine Tešanj” broj 11/07)

RAZLOZI ZA DONOŠENJE

Općina Šoštanj nalazi se u sjevernom dijelu Slovenije, u jugozapadnom dijelu Štajerske. Južna polovina općine se prostire u Velenjskoj kotlini. Šoštanj je nekada bio dio općine Velenje.

U ranijem periodu je uspostavljena saradnja Srednje škole (MIC) iz Velenja (Slovenija) i Srednje mješovite škole Tešanj, koja je često podrazumijevala podršku općine ili privrednih subjekata. Realizirano je niz različitih projekata: edukacije nastavnog kadra, opremanja kabineta, odlaska nekoliko učenika na školovanje u Sloveniju, pa i do podrške u razvoju Centra za obrazovanje odraslih. Postoji potencijal da se ova saradnja i dalje razvija, kako bi se podizao kvalitet obrazovanja u tehničkim zanimanjima.

U općini Šoštanj i Velenje nalazi se Termolektrana, sjedište i pogoni kompanije Velenje i mnogi drugi poslovni subjekti. Ove, kao i druge kompanije koje su locirane u okolini općine Šoštanj predstavljaju potencijal za saradnju na ekonomskom planu.

Cijela Slovenija, time i svaka općina prošli su različita iskustva u pristupanju Evropskoj uniji, od administrativnih poslova, do rješavanja infrastrukturnih pitanja koja su i zakonska obaveza u EU. Vjerujemo da intenzivnija saradnja može pomoći razumijevanju procesa pridruživanja neke zemlje Evropskoj uniji, kroz znanja i iskustva, a ono što bi bilo i željeni rezultat, pripremu i realizaciju određenih zajedničkih projekata potpomognutih iz EU fondova.

U posljednjih 10-tak godina općina Tešanj nije na ovakav način formalizirala/institucionalizirala saradnju sa drugim općinama izvan BiH. Stoga Općinskom vijeću predlažemo donošenje odluke, kojom bismo nastavili razvijanje zajedničke saradnje. Namjera je da se nakon potpisivanja sporazuma/protokola između dvije općine ostvari komunikacija na različitim nivoima (susreti privrednika, saradnja kulturnih institucija i pojedinaca, saradnja općinskih administracija, komunalnih preduzeća itd.)

Dostavljeno:

1. Naslov
2. Arhiva

OBRADIVAČ
Služba za boračko-invalidsku
zaštitu i opću upravu

PREDLAGAČ
OPĆINSKI NAČELNIK
Mr.sci. Suad Huskić, profesor

Broj: 02-49-2-1750/15
Datum: 2.9.2015. godine